



O periódico  
dos criadores de frisón de Galicia



## GALICIA IIª AUTONOMÍA CONAFE '02 XXIV CONCURSO NACIONAL CONAFE '02




Grupo de vacas co que Galicia conquistou o título de IIª Mellor Autonomía Conafe '02

A Feira Internacional de Mostras de Asturias, en Xixón, acolleu durante os pasados días 26 ó 29 de Setembro, o **XXIV Concurso Nacional Conafe '02** no que participaron 262 animais. Galicia non podía faltar a tan importante cita, e alí estivemos con 19 estupendos exemplares.

O xulgamento do Concurso correu a cargo do Xuíz Internacional da Asociación Holstein

de Estados Unidos, Mr. Randy M. Kortus, propietario da gandería Mainstream Holstein, quen comentou a gran calidade dos animais presentados, confirmando este certame como un dos máis importantes a nivel Internacional e o de maior nivel por el xulgado.



**DOLORES** Vaca Adulta campiona Conafe '02 Vaca Reserva Gran Campiona Conafe '02.

Segue na páx. 3


A Federación Frisona  
Galega deséxalles  
un Bo Nadal  
e Aninovo




## IIª MOSTRA NACIONAL DE GRUPOS DE DESCENDENCIA CONAFE '02

Por segunda vez, Conafe xunto con Ascol e Fefriga, organizaron a **IIª Mostra de Grupos de Progenie** na que a Federación Frisona

Galega presentou 4 selectos lotes de vacas fillas dos touros: **CUBEIRO, FONTÁNS, LOURO e LÉREZ.**




Esqda. **Blanco Cubeiro BRILLANTE**  
Gandería Blanco (Silleda-PO)  
Dta. Agrort. **POMBA Cubeiro**  
Granxa da Vidueira (Ortigueira-C)



Esqda. **Martín Fontáns PASTORA**  
Germán y Martín (Chantada-LU)  
Dta. **Tato Fontáns TANA**  
Gandería Tato (Chantada-LU)



Esqda. **PALOMA**  
Casa Nova (Mesía-C)  
Dta. **Xercas PUCHA Lérez**  
Xercas-Casa Pernas (Xermade-LU)



Esqda. **Rigueiro Louro TRANQUILA**  
Nicasio Rigueiro (Pastoriza-LU)  
Dta. **González Louro PELOURA**  
Gandería González (Lalín-PO)

## DATAS A LEMBRAR

- 1 ó 2 de Marzo** (Chantada - Lugo)  
XII Concurso-Subasta de Gando Frisón Chantada '03
- Marzo-Abril** (Mallorca)  
XXXI Escola Nacional de Jueces Conafe '03
- 5 e 6 de Abril** (Muimenta - Lugo)  
XVI Concurso da Raza Frisona Moexmu '03
- 23 ó 26 de Abril** (Mollerusa - Lleida)  
Concurso Nacional de Primavera Conafe '03
- 30 de Abril ó 4 de Maio** (Silleda - Pontevedra)  
XXVI Feria Internacional Semana Verde de Galicia  
- XXV Concurso Internacional "Semana Verde"  
- XIV Conc. de Xoves Manexadores "Semana Verde"  
- XII Concurso Autonómico da Raza Frisona Fefriga '03  
- VII Subhasta Top-Bos  
- III Concurso de Pintura Fefriga '03
- 23 ó 26 de Outubro** (Xixón - Asturias)  
XXV Concurso Nacional de Otoño Conafe '03



## XVI ESCOLA DE XUICES GANDEIROS "FEFRIGA '02"



Trálo paréntese obrigado que impuxo a febre aftosa no 2001, os últimos días de Xullo volvían a ser cita ineludible daqueles gandeiros galegos -e de outros que xa figuran como incondicionais, vidos dende Asturias, Cataluña, Extremadura, Toledo e Portugal,- que queren mellorar e actualizálos seus coñecementos sobre a morfoloxía da vaca Frisona a traves das Escolas de Xuíces Gandeiros que organiza a Federación Frisona Galega, en colaboración coas Africor, Conafe e a Consellería de Política Agroalimentaria e Desenvolvemento Rural da Xunta de Galicia.




Conferencias no Salón de Actos da Cooperativa ICOS de Chantada.

Nesta ocasión, a provincia de Lugo, máis concretamente a zona sur, era o escenario onde se iba a desenrolar a XVI Escola de Xuíces Gandeiros "Fefriga '02" e para que todo estivera a punto, gandeiros, técnicos e persoal de Africor-Lugo uniron os seus esforzos para ofrecer a extraordinaria imaxe de calidade e profesionalidade que ó longo de toda a Escola poidemos constatar.

Así pois, o día 29 de Xullo, no salón de Actos da Cooperativa ICOS, en Chantada, e coa participación de 172 alumnos, daba comenzo a XVI Escola de Xuíces. As detalladas explicacións que, da *Conformación da Vaca*

*Frisona* deu **D. Gabriel Blanco**, foron a introducción teórica necesaria para que os alumnos, especialmente os máis novos, se familiarizasen cas distintas rexións da vaca así como a importancia que cada unha delas ten na vida productiva, e polo tanto, na rentabilidade da vaca; tras esta charla, e como complemento á mesma, Gabriel falou sobre o emprego dos Índices Xenéticos á hora de realizalos acoplamentos correctivos, necesarios para a obtención dos animais lonxevos e rentables que anteriormente describira.



Sección no Mercado de Gando de Chantada.

Pola tarde, no Mercado de Gando de Chantada e baixo a experta dirección do Xuíz Nacional **D. José Ramón Badiola**, comezaban as clases prácticas co xulgamento de catro estupendas seccións formadas por animais propiedade das ganderías: **Fontestriz, Raxeiras, O Pacio, Antonio López, Tato, Sendín, Lixeiro, Moreira, Adolfo, Basan Grande, Perlada, Machatín, Capón e Perrelos.**




Sección en Vilar de Susao (Vilarello-Sarria)

O día 30 os nosos pasos dirixíronse cara a comarca de Sarria, iniciando a xornada cunha estupenda sección de vacas propiedade da gandería **Casa de Riba**, a continuación con animais propiedade da gandería **Vilar de Susao**, xulgaronse outras tres moi boas seccións de animais. A xornada remataba en **Casa de Baixo** co xulgamento de tres extraordinarias seccións, así como unha interesante clase práctica sobre a *Conformación da Ubre*.



Sección en Casa de Baixo (Ermida-Vilamaior)

O día 31 iniciábase o noso percorrido na localidade de Vilaxuste (Portomarín), onde se xulgaron catro bonitas seccións compostas por animais da **Sat A Campiña**, seguidamente desplazámonos a Berbetouros no Concello de Palas de Rei onde se xulgaron dúas interesantes seccións con animais de **Sat San Miguel** de Berbetouros e para rematar a continuación tivemos outras dúas seccións e unha *Clase Práctica sobre Acoplamentos* na **Casa Arias** de Covelo.



Clase Práctica de Acoplamentos en Casa Arias (Covelo-Palas de Rei)

## IIª XUNTANZA DE TÉCNICOS DE CAMPO "FEFRIGA '02"



Organizado pola Federación Frisona Galega en colaboración cas Africores, celebrouse o pasado día 7 de outubro, a IIª Xuntanza de Técnicos de Campo, na que participaron máis de 120 controladores e outros técnicos procedentes das catro Africores e Fefriga.

A xornada, -que estaba dividida nunha parte, teórica e noutra práctica,- comenzaba no Salón de Actos da *Escola de Capacitación Agraria de Guísamo*, cas conferencias, que sobre a **Morfoloxía da Vaca Frisona e Acoplamentos Dirixidos**, impartíu o Xefe do Departamento de Morfoloxía de Conafe, **D. Gabriel Blanco**, a

continuación, **D. José Manuel Riesgo**, Xefe de Area de Mellora Xenética da Consellería de Política Agroalimentaria e Desenvolvemento Rural, explicou ós asistentes, e con todo luxo de detalles, o estricto proceso de selección que se segue para a incorporación da **nova xenética ó Programa de Mellora de Galicia**.



Momento da charla impartida por. D. José Manuel Riesgo, Xefe de Area de Mellora Xenética.


Pola tarde, baixo a experta dirección de Gabriel Blanco, -acompañado por Juan Manuel Ahedo, coordinador de Calificación,- os alumnos realizaron prácticas de Xulgamento e acoplamentos dirixidos, con catro lotes de animais, -1 sección de xatas, outra de novillas e dúas de vacas,- que a tal efecto foran preparadas polo persoal da U.T.E. de Bos.



Sección práctica de vacas en lactación

## XXIV CONCURSO NACIONAL CONAFE '02

Ven da portada



Stand de vacas fillas dos Touros de Galicia

Non imos facer un resumen do que foi o concurso, **-Frisona Española** no seu nº 131 de Setembro-Outubro 2002, xa se ocupou delo, pero si debemos, e queremos, resaltar os estupendos resultados acadados polos gandeiros galegos conquistando para Galicia títulos tan importantes como:

- **IIª Mellor Autonomía**, cas vacas **DOLORES**, **Agrortegal GALLETERA Juror**, **Bos Astre BAIÑA**, **Xercas PUCHA Lérez** e **Tato Fontans TANA** propiedade das ganderías **Casa Costa**, **Granxa Caxigueira**, **Gandería Cobas**, **Xercas-Casa Pernas** e **Gandería Tato** respectivamente.
- **Reserva Gran Campiona e Vaca Adulta Campiona**, **DOLORES**, propiedade de **Casa Costa de Barreiros, Lugo**.
- **Vaca Subcampiona Intermedia**, título acadado por **Agrortegal GALLETERA Juror**, propiedade de **Granxa Caxigueira, de Ortigueira, A Coruña**.

Outros animais que merecen ser reseñados son **Nodi Juror SILKY** de **Ganadería Nodi (Barreiros-LU)** que se colocaba 2ª na sección de Xatas de 11 a 14 meses e **Bos Astre BAIÑA** de

**Gandería Cobas (Silleda-PO)**, cuarta na sección de vacas adultas de 6 anos ou máis.

**Agrortegal GALLETERA Juror (Granxa Caxigueira-C)**



Vaca Subcampiona Intermedia.



**Bos Astre BAIÑA (Gandería Cobas-PO)** cuarta na sección de Vacas Adultas en Lactación de 6 anos..

A extraordinaria calidade das fillas dos touros do Programa de Mellora Xenética de Galicia demostrada durante a presentación da **IIª Mostra Nacional de Grupos de Progenie**, así como os bos resultados acadados neste XXIV Concurso Nacional, confirman a calidade e

profesionalidade que tras largos anos de traballo, están acadando as ganderías de Galicia.



Stand da Federación Frisona Galega

### GANDERÍAS PARTICIPANTES


- CASANOVA SAT 1021 XUGA (Mesía - C)**
- CASA CAPÓN (Chantada - LU)**
- CASA COBAS (Silleda - PO)**
- CASA COSTA (Barreiros - LU)**
- GANDERÍA CID, C.B. (Barreiros - LU)**
- GANDERÍA BLANCO (Silleda - PO)**
- GANDERÍA GONZÁLEZ (Lalín - PO)**
- GANDERÍA MANTOÑO (Barreiros - LU)**
- GANDERÍA NICASIO RIGUEIRO (Pastoriza - LU)**
- GANDERÍA NODI (Barreiros - LU)**
- GANDERÍA TATO (Chantada - LU)**
- GERMÁN Y MARTÍN, S.C. (Chantada - LU)**
- GRANXA CAXIGUEIRA (Ortigueira - C)**
- GRANXA VIDUEIRA (Ortigueira - C)**
- GRANXA VILARMOR (Ortigueira - C)**
- SAT OS HERDEIROS 1015 XUGA (Silleda - PO)**
- XERCAS - CASA PERNAS (Xermade - LU)**

A nosa noraboa e agradecemento a todos que cos vosos animais fixestes posible este gran resultado para Galicia. ¡Gracias!

## PROGRAMA DE TRANSFERENCIA DE EMBRIÓNS

O pasado día 20 de novembro e tras longos meses de negociación, o **Conselleiro de Política Agroalimentaria e Desenvolvemento Rural, Excmo. Sr. D. Juan Miguel Diz Guedes** e o **Presidente da Federación Frisona Galega, D. José Aquilino Rodríguez López** asinaron o novo Convenio de Colaboración para a xestión da U.T.E./U.D.E. Bos nos vindeiros catro anos.

Este novo Convenio, ó igual que o anterior, ten como obxectivo a obtención de animais, - machos e femias,- da mellor xenética para, a partir da súa utilización como pais e nais de élite, mellorar a Cabana Frisona Galega no seu conxunto.



**Bos Factor ANTIGA ET MB87 e a súa filla Bos Rubens ANTIA Roja ET.**

Tendo en conta, tanto a dimensión como as necesidades do Programa, -preténdese


implantar ó redor de 250 embrións/ano,- como as limitacións da Finca de Bos para poder aloxar o número de receptoras que se precisaría, é necesario, -para lograr o obxectivo citado anteriormente,- contar cun determinado número de explotacións que desexen colaborar co Programa e que aporten o número de receptoras suficiente para implantar ditos embrións.

As compensacións que recibirán as ganderías incluídas no Programa serán as seguintes:

1. Chequeo gratuito e permanente da gandería, frente a IBR, BVD, Neosporose, Paratuberculose, Leptospirose e Clamidiase, mentres dure a colaboración co Programa.
2. Compensacións en material xenético (dúas posibilidades):
  - Quedarse co 50% das femias obtidas.
  - Devolver ó Programa o 100% dos animais obtidos (machos e femias) recibindo a cambio dous embrións producidos na U.D.E. Bos (asegurando sempre unha xestión) por cada animal retirado.

A Unidade de Doadoras de Embrións (U.D.E. Bos) poténsiase e ampliase, a fin de dar cabida ás femias que se recuperen das explotacións colaboradoras e, a partir destas, incrementala produción de embrións poñendóos á disposición de tódalas ganderías para melloralos seus rabaños.

O obxectivo desta Unidade é aproveitar ó máximo as posibilidades de mellora que ofrece a "vía femia", continuando a súa vez as extraordinarias "familias de vacas" cas que traballamos e multiplicálas, a fin de crear unha ampla base de vacas élite nas ganderías de Galicia, capaz de xerar por si mesma a maioría de sementáis a testar no futuro.



**Bos Storm XEBRA ET MB89 2ªp.**  
2ª L. 305 días 12 218 Kg/L, 3,8% G e 3,5 %P.

Xa foron presentadas máis de 40 solicitudes para colaborar co Programa; se Vd. está interesado en participar e precisa máis información sobre o mesmo, sobre os embrións producidos na U.T.E. Bos, ou calquer outro asunto non dubide en pórse en contacto con Fefriga.

